



Тарбағатай ауданының шалғайдағы елді мекендерде тұратын балаларды жалпы білім беретін мектептерге тасымалдаудың схемасы мен тәртібін бекіту туралы

Күшін жойған

Шығыс Қазақстан облысы Тарбағатай ауданы әкімдігінің 2015 жылғы 21 шілдедегі № 455 қаулысы. Шығыс Қазақстан облысының Әділет департаментінде 2015 жылғы 20 тамызда № 4116 болып тіркелді. Күші жойылды - Шығыс Қазақстан облысы Тарбағатай ауданы әкімдігінің 2016 жылғы 14 наурыздағы № 138 қаулысымен

Ескерту. Күші жойылды - Шығыс Қазақстан облысы Тарбағатай ауданы әкімдігінің 14.03.2016 № 138 қаулысымен (қол қойылған күнінен бастап қолданысқа енгізіледі).

РҚАО-ның ескертпесі.

Құжаттың мәтінінде түпнұсқаның пунктуациясы мен орфографиясы сақталған.

Қазақстан Республикасының 2003 жылғы 4 шілдедегі "Автомобиль көлігі туралы" Заңының 14-бабының 3-тармағының 3-1) тармақшасына сәйкес, Тарбағатай ауданының әкімдігі **ҚАУЛЫ ЕТЕДІ:**

1. Тарбағатай ауданының шалғайдағы елді мекендерде тұратын балаларды жалпы білім беретін мектептерге тасымалдаудың схемасы мен тәртібі осы қаулының 1, 2 қосымшаларына сай бекітілсін.

2. Осы қаулы оның алғашқы ресми жарияланған күнінен кейін күнтізбелік он күн өткен соң қолданысқа енгізіледі.

Аудан әкімінің міндетін атқарушы

Қ.Мауадинов

Тарбағатай ауданы әкімдігінің
2015 жылғы "21" шілдедегі
№ 455 қаулысына 1 қосымша

Тарбағатай ауданының шалғайдағы елді мекендерде тұратын балаларды жалпы білім беретін мектептерге тасымалдаудың схемасы мен тәртібін бекіту туралы

№	Тура бағыт	Кері бағыт
1	Аялдама: Тарбағатай ауданының Құмкөл ауылдық округінің Қарғыба ауылының Шыбынды, 60 жылдық, Училище елді мекендерінен Құмкөл ауылдық округінің Қарғыба ауылындағы "Ю.А.Гагарин	Тарбағатай ауданы Қарғыба ауылындағы "Ю.А. Гагарин атындағы жалпы білім беретін орта мектеп" коммуналдық мемлекеттік мекемесінен Тарбағатай ауданының Құмкөл ауылдық

	атындағы жалпы білім беретін орта мектеп" коммуналдық мемлекеттік мекемесіне дейін.	округінің Училище, 60 жылдық, Шыбынды елді мекендеріне дейін.
2	Аялдама: Тарбағатай ауданы, Екпін ауылдық округінің Аққала елді мекенінен "Ы.Кабеков атындағы жалпы білім беретін орта мектеп" коммуналдық мемлекеттік мекемесіне дейін.	Тарбағатай ауданы Екпін ауылдық округінің Екпін ауылындағы "Ы.Кабеков атындағы жалпы білім беретін орта мектеп" коммуналдық мемлекеттік мекемесінен Аққала елді мекеніне дейін.
3	Аялдама: Тарбағатай ауданы Сатпаев ауылдық округіне қарасты "Бесшатыр" елді мекенінен Сатпаев ауылындағы "С.Сейфуллин атындағы жалпы білім беретін орта мектеп" коммуналдық мемлекеттік мекемесіне дейін.	Тарбағатай ауданы Сатпаев ауылындағы "С.Сейфуллин атындағы жалпы білім беретін орта мектеп" коммуналдық мемлекеттік мекемесінен Сатпаев ауылдық округіне қарасты "Бесшатыр" елді мекеніне дейін.
4	Аялдама: Тарбағатай ауданы Қарасу ауылдық округіне қарасты "Жол құрлысы" елді мекенінен Ақмектеп ауылындағы "Ақмектеп атындағы жалпы білім беретін орта мектеп" коммуналдық мемлекеттік мекемесіне дейін.	Тарбағатай ауданы Ақмектеп ауылындағы "Ақмектеп атындағы жалпы білім беретін орта мектеп" коммуналдық мемлекеттік мекемесінен Қарасу ауылдық округіне қарасты "Жол құрлысы" елді мекеніне дейін.
5	Аялдама: Тарбағатай ауданы Қабанбай ауылдық округіне қарасты "Қазақстан" елді мекенінен Шеңгелді ауылындағы "Қ.Сатпаев атындағы жалпы білім беретін орта мектеп" коммуналдық мемлекеттік мекемесіне дейін.	Тарбағатай ауданы Шеңгелді ауылындағы "Қ.Сатпаев атындағы жалпы білім беретін орта мектеп" коммуналдық мемлекеттік мекемесінен Қабанбай ауылдық округіне қарасты "Қазақстан" елді мекеніне дейін.
6	Аялдама: Тарбағатай ауданы Ақжар ауылдық округіне қарасты "Жаңа тілеу" елді мекенінен Ақжар ауылындағы "М.Ауезов атындағы жалпы білім беретін орта мектеп" коммуналдық мемлекеттік мекемесіне дейін.	Тарбағатай ауданы Ақжар ауылындағы "М.Ауезов атындағы жалпы білім беретін орта мектеп" коммуналдық мемлекеттік мекемесінен Ақжар ауылдық округіне қарасты "Жаңа тілеу" елді мекеніне дейін.
7	Аялдама: Тарбағатай ауданы Жетіарал ауылдық округіне қарасты "Жөке", "Келте бұлақ" елді мекендерінен Асусай ауылындағы "Асусай атындағы жалпы білім беретін орта мектеп" коммуналдық мемлекеттік мекемесіне дейін.	Тарбағатай ауданы Асусай ауылындағы "Асусай атындағы жалпы білім беретін орта мектеп" коммуналдық мемлекеттік мекемесінен Жетіарал ауылдық округіне қарасты "Жөке", "Келте бұлақ" елді мекеніне дейін.

Тарбағатай ауданы әкімдігінің
2015 жылғы "21 шілдедегі"
№ 455 қаулысына 2 қосымша

Тарбағатай ауданының шалғайдағы елді мекендерде тұратын балаларды жалпы білім беретін мектептерге тасымалдаудың тәртібі

1. Балаларды тасымалдау тәртібі

1. Балаларды тасымалдау жолаушылар мен багажды автомобиль көлігімен тасымалдау заңнамасының талаптарына сәйкес жабдықталған автобустармен, шағын автобустармен жүзеге асырылады.

2. Балаларды тасымалдаушы (бұдан әрі – Тасымалдаушы) тасымалдаушыларға қатысты заңнаманың талаптарын орындаумен өзіне тиесілі автобустарды тасымалдау үшін пайдаланатын білім беру ұйымы болып табылады.

3. Тасымалдаушы тасымалдауды орындау алдында бұйрықпен балалардың

тасымалдауын ұйымдастыру туралы шешімді ресімдейді, онда лауазымды адамдардың міндеттерін, жүру маршрутын және балалардың қауіпсіздігін қамтамасыз ету жөніндегі іс-шаралар регламенттелінеді.

4. Тасымалдау қауіпсіздігіне қатер төндіретін жол және метеорологиялық жағдайлардың қолайсыз өзгеруі кезінде, автобустардың қозғалысын уақытша тоқтату туралы қолданыстағы нормативтік құжаттарда көзделген жағдайда Тасымалдаушы рейсті алып тастауға және бұл туралы тапсырыс берушіге дереу хабарлауға тиіс.

5. Жол жағдайларының қолайсыз өзгеруі кезінде, басқа жағдайлар кезінде (қозғалысқа шек қою, уақытша кедергілердің көрінуі, бұл жағдайда жүргізуші кестеге сәйкес жылдамдықты жоғарылатпай жүре алмайды), кесте жылдамдықты төмендету жағына (қозғалыс уақыттарының артуына) түзетілген болуы тиіс.

6. Тасымалдаушы балаларды тасымалдайтын әрбір автобуска балалармен өз қызметкерлерінің санынан алғашқы дәрігерлік көмек көрсету әдістері бойынша дайындықтан және балаларды автобуспен тасымалдау қауіпсіздігін қамтамасыз ету бойынша арнайы нұсқамадан өткен жауапты еріп жүруші адамдарды белгілейді.

7. Нұсқауды білім беру ұйымдарында жолжүру қауіпсіздігін қамтамасыз етуге жауапты тұлға өткізеді.

8. Балаларды тасымалдау үшін Қазақстан Республикасының заңнамалық талаптарына жауап беретін жүргізушілерге рұқсат беріледі.

9. Балаларды тасымалдау кезінде автобустың жүргізушісіне мыналарға тыйым салынады:

- 1) сағатына 60 км артық жылдамдықпен жүруге;
- 2) жүру маршрутын өзгертуге;
- 3) балалар бар автобус салонында қол жүгі мен балалардың жеке заттарынан басқа кез келген жүкті, багажды немесе мүкәммалды тасымалдауға;
- 4) автобуста балалар болған кезінде, соның ішінде балаларды отырғызу және түсіру кезінде автобус салонынан шығуға;
- 5) автобуспен артқа қарай қозғалысты жүзеге асыруға;
- 6) егер ол көлік құралының өздігінен қозғалуын немесе оны жүргізуші жоқ болғанда пайдалануын болдырмау шараларын қолданбаса, өз орнын тастап кетуге немесе көлік құралын қалдыруға.

10. Еріп жүруші отырғызу (түсіру) аяқталғаны туралы хабар бергеннен және автобус есіктері толық жабылғаннан кейін жүргізушіге отырғызу (түсіру) орнынан автобус қозғалысын бастауға рұқсат етіледі.

11. Көлік құралы жақындаған кезде алып жүрушілер балалардың жүгіріп шығуына және олардың жолдың жүретін бөлігінде болуына жол бермейді.

12. Еріп жүрушілер балаларды отырғызу орнына ұйымдасқан тәртіпте (кіші

балаларды – екі-екіден сапқа тұрғызып) жеткізеді. Отырғызу автобустың алдыңғы есігі арқылы жүргізіледі.

13. Еріп жүрушілер автобуска отырғызу және одан түсіру, автобус қозғалысы кезінде, аялдау уақытында балалар арасында тиісті тәртіпті қамтамасыз етеді.

14. Балаларды автобуска отырғызу еріп жүрушілердің басшылығымен және жүргізушінің бақылауымен автобус толық тоқтағаннан кейін отырғызу алаңында жүргізіледі.

15. Сапар кезінде еріп жүрушілер балалардың:

- 1) салонда тұруына және жүруіне;
- 2) есіктер мен терезелерге жантаюына;
- 3) жоғарғы сөрелерге ауыр және орнықсыз заттарды қоюына;
- 4) қол жүгін өту жолдарына және кіреберістегі (шыға берістегі) алаңдарда орналастыруына;
- 5) терезе ойықтарынан бастарын шығаруына;
- 6) терезеден қоқысты және қандай болса да өзге заттарды тастауға;
- 7) жазатайым жағдайдың алдын алуға бағытталған жолаушылардың денсаулығы мен өміріне қауіп төндіретін ахуал туралы хабарламалардан басқа жүргізушіні көлік құралын басқарудан алаңдатуына;
- 8) жолаушылардың денсаулығы мен өміріне қауіп төндірмейтін жағдайларда авариялық жабдықтарды пайдалануына;
- 9) есіктерді ашуына;
- 10) төбелесуіне, итерісуіне, қимыл ойындарын ойнауға жол бермейді.

16. Тұрақтау (аялдау) кезінде балаларды автобустан шығару алдыңғы есіктер арқылы жүзеге асырылады. Автобустан бірінші болып еріп жүруші шығады. Тұрақтау (аялдау) кезінде еріп жүрушілер: біреуі – автобустың алдыңғы бөлігінде, екіншісі – автобустың артында тұруы және балалардың түсуін және содан кейін балалардың жолдың жүру бөлігіне жүгіріп шықпауын бақылау қажет.

17. Автобустан шыққанда әрбір бала жеке заттарын бір қолымен көтеріп, ал екінші қолымен баспалдақтардан түскенде тұтқадан ұстауы тиіс. Тепе-теңдікті жоғалтпау және өзге жолаушыларды жарақаттандырмау үшін иықпен көтеріп жүретін рюкзактар мен сөмкелерді оқушылар иықтан шешіп, қолдарына алулары тиіс.

18. Түсірген кезде еріп жүрушілер балалардың:

- 1) есікке қарай қозғалғанда төбелесуіне, итерісуіне;
- 2) баспалдақтардан секіруіне;
- 3) көлік құралын жолдың жүргінші бөлігінен айналып өтуіне, оған шығуына;
- 4) жүргінші бөліктің маңында қимыл ойындар ойнауына жол бермейді.

19. Түсіргеннен кейін еріп жүрушілер:

- 1) жеткізу орнына келген балаларды санап шығады;
- 2) ұйымдасқан түрде оларды түсіру орнынан және автобустардың тұрақтау алаңшаларынан еріп жүреді.

2. Қорытынды ережелер

20. Ауданның шалғайдағы елді мекендерінде тұратын балаларды жалпы білім беретін мектептерге тасымалдау бойынша осы тәртіппен реттелмеген қатынастар Қазақстан Республикасының қолданыстағы заңнамасына сәйкес реттеледі.